



112學年度

小茂松臺語囡仔歌詩

優選作品

按年級順序排列



鬍仔 三年忠班 卓崑峰

鬍仔予警察歎一下

車攏停咧

鬍仔予我歎一下

歹人攏走去矣

鬍仔予老師歎一下

同學攏安靜啊

鬍仔是逐家的囡仔兄

感謝孫馨妤老師指導

火箭

三年忠班 黃宥富

我做一隻火箭

飛去天頂外

盪到月球

盪到火星

去我夢中的世界

火箭火箭

你是我的寶貝

感謝孫馨妤老師指導

阮兜的風吹 三年孝班 林湘芸

阿爸的風吹是青色的
阿母的風吹是粉色的
阿姊的是黃色的
我的是藍的
阮兜的風吹
做伙佇天頂飛
哇！
天頂是彩色的

感謝孫馨妤老師指導

珠仔有佢濟 三年孝班 陳品璇

我的珠仔有一二三

紅黃青藍

小弟的珠仔

嘛有紅黃青藍

阮算啊算

擱算啊算

算甲目睇玲瓏楚

尾仔嘛母知啥較濟

感謝孫馨妤老師指導

耍風吹 三年仁班 侯煜翎

阿爸恁我耍風吹

風吹飛飛飛

天頂鳥仔嘛咧飛

鳥仔佢風吹耍做伙

我佢阿爸嘛耍做伙

感謝孫馨妤老師指導

尪仔標真好耍 三年仁班 李元浩

尪仔標偌石頭

你拍伊的頭

我拍伊的頭

逐家拍佢伊變面

哈哈

咱就知影啥上勢

感謝孫馨妤老師指導

麻糍 五年孝班 陳彥滕

軟軟飴飴的麻糍
咬一喙閣會牽絲
甜甜的滋味
予我心花開

感謝林宜蓁老師指導

麻糍 五年仁班 蔡媛聿

軟軟飴飴的麻糍
佇塗豆粉內底耍
耍甲規身軀金黃金黃

感謝林宜蓁老師指導

冊 六年孝班 黃翠華

冊 一本一本 掀

冊 一頁一頁 看

冊 一段一段 讀

冊 一句一句 學

冊是咱的

世界

冊是咱的

寶貝

感謝姚信福老師指導

春仔花 六年孝班 黃翠華

紅紅的春仔花

阿媽的好手藝

指頭仔尾

絲線來跳舞

做伙唸歌詩

歇佇新娘頭毛頂

一蕊

紅紅嬌嬌的春仔花

感謝姚信福老師指導

魔術角仔 六年孝班 張翔崴

魔術角仔是我的má-tsih
伊親像美麗的虹
伊是我的寶貝
心情好糗攏陪伴
伊定定佱我掉拚
到底是啥人會贏？

感謝姚信福老師指導

四季 六年孝班 張翔崑

四個人

無全時間

佇天頂散步

佇塗跤畫圖

一冬又過一冬

感謝姚信福老師指導

天頂的星 六年孝班 劉桓聿

伊是天頂上光的彼粒星

溫柔的光 閃閃爍

笑咪咪的目睷 真迷人

伊是阮阿舅

永遠佇天頂

共阮炤光

感謝姚信福老師指導

天色 六年孝班 劉桓聿

藍色的天，大大的日頭，
是我出門時為我加油的色水
烏碯的天，涼涼的空氣，
就像咱冤家了後的心情
柑仔色的天，紅紅的日頭，
叫阮趕緊倒轉去
暗暗的天，光光的路燈，
是阮爸爸下班時陪伴伊的風景
你問我上佻意啥物款的天色，
我講：只愛咱佇仝一片天，我攏佻意

感謝姚信福老師指導

冰角 六年仁班 李岳衡

足寒！足寒！

冷到身軀冇砢砢

足熱！足熱！

熱到規身軀汗

阮是冰角

熱的時陣 阮會予你爽快

寒的時陣 阮會共你刺激

阮是冰角

無管寒熱

攞有人愛我

阮一是一冰一角

感謝姚信福老師指導

冊包

六年仁班 張藝尹

冊包，冊包

喙開大大

一但腹肚飫

就會共冊食了了

真驚人！真恐怖！

冊包，冊包

你敢會使共我鬥相共

共討厭的功課食了了

我就會呵佬你

真勢！真巧！

感謝姚信福老師指導

山 六年仁班 呂依璇

歇暍日，來□山
大粒汗，細粒汗
怦怦喘，叫毋敢
哎呀！山先生
你是按怎生做遐爾仔懸
敢毋知
低低較親切
矮矮較古錐

感謝姚信福老師指導